



Broj: 13-05-28558/14  
Sarajevo, 30.12.2014.godine

Na osnovu člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst), Ministarstvo za rad, socijalnu politiku, raseljena lica i izbjeglice Kantona Sarajevo, donosi


**ODLUKU**  
**O DAVANJU SAGLASNOSTI NA PRAVILNIK O IZMJENAMA PRAVILNIKA O RADU**  
**JAVNE USTANOVE TERAPIJSKA ZAJEDNICA KAMPUS KANTONA SARAJEVO**

**I**

Daje se saglasnost na Pravilnik o izmjenama Pravilnika o radu Javne ustanove Terapijska zajednica-Kampus Kantona Sarajevo broj: 35-01-02-560/14 od 23.12.2014. godine, koji je Upravni odbor ove ustanove donio Odlukom broj: 35-01-02-560/1/14 od 23.12.2014. godine.

**II**

Ova odluka stupa na snagu danom donošenja.

Pripremio:  
Zoran Timarac 

Kontrolisao:  
Cica Pljevljak i Mesud Peljto 

**Dostaviti:**

- Javna ustanova Terapijska zajednica-Kampus Kantona Sarajevo
- Ulica Hifzi Bjelavca 40
- V.d. direktora
- Upravnom odboru
- Nadzornom odboru
- A/a



web: <http://mrsri.ks.gov.ba>

e-mail: [mrsri@mrsri.ks.gov.ba](mailto:mrsri@mrsri.ks.gov.ba)

Tel: + 387 (0) 33 562-089, Fax: + 387 (0) 33  
562-090

Sarajevo, Reisa Džemaludina Čauševića 1





Broj: 35-01-05-560/1/14  
Sarajevo, 23.12.2014.god.

Na osnovu člana 27. stav 1. alineja 6. Zakona o ustanovama („Službeni list RBiH“ br. 6/92, 8/93 i 13/94), člana 101., a u vezi s članom 107. Zakona o radu („Službene novine Federacije BiH“ br. 43/99, 32/00 i 29/03) i Sporazuma o postupku utvrđivanja platnih razreda i koeficijenata za obračun plaća i naknada koje nemaju karakter plaće u javnim ustanovama socijalne zaštite Kantona Sarajevo br: 13/01-14-21773/14 od 22.07.2014.godine, kao i konsultacija sa sa sindikatom JU Terapijske zajednice – Kampus Kantona Sarajevo, v.d.Upravni odbor Javne ustanove Terapijska zajednica - Kampus Kantona Sarajevo donio je:

## ODLUKU

### I

V.D. Upravni odbor usvaja Pravilnik o izmjenama i dopuni pravilnika o radu Javne Ustanove Terapijska zajednica Kampus Kantona Sarajevo broj 35-01-07-560/1/14 od 23.12.2014. godine.

### II

Ova Odluka stupa na snagu sa danom njenog donošenja.

Dostaviti:  
- imenovani  
- evidencija  
- a/a

V.D. PREDSJEDNIK  
UPRAVNOG ODBORA



Bosna i Hercegovina  
Federacija Bosne i Hercegovine  
KANTON SARAJEVO  
Javna ustanova Terapijska zajednica-  
Kampus Kantona Sarajevo

**PRAVILNIK O IZMJENAMA PRAVILNIKA O RADU  
Javne ustanove Terapijska zajednica-Kampus Kantona Sarajevo**

Sarajevo, 23.12. 2014.god.

Na osnovu člana 27. stav 1. alineja 6. Zakona o ustanovama („Službeni list RBiH“ br. 6/92, 8/93 i 13/94), člana 101., a u vezi s članom 107. Zakona o radu („Službene novine Federacije BiH“ br. 43/99, 32/00 i 29/03) i Sporazuma o postupku utvrđivanja platnih razreda i koeficijenata za obračun plaća i naknada koje nemaju karakter plaće u javnim ustanovama socijalne zaštite Kantona Sarajevo br: 13/01-14-21773/14 od 22.07.2014.godine, nakon izvršene konsultacije sa Sindikatom Javne ustanove Terapijske zajednice - Kampus Kantona Sarajevo, Upravni odbor Javne ustanove Terapijska zajednica - Kampus Kantona Sarajevo uz konsultacije Sindikata uposlenika Kampusa, na VI. sjednici održanoj dana 23.12.2014. godine donio je:

## **PRAVILNIK O IZMJENAMA PRAVILNIKA O RADU Javne ustanove Terapijska zajednica - Kampus Kantona Sarajevo**

### **Član 1.**

**Član 64.** Pravilnika o radu Javne ustanove Terapijska zajednica - Kampus Kantona Sarajevo br: 13-06-02-12762 od 29.03.2006g.; br: 13-06-35-28318 od 23.11.2007.g. ; br: 13-06-05-9484/08 od 19.05.2008.g ; br. 35-01-07-117/09 od 20.03.2009.g. ; br13-06-02-253/09 od 22.10.2009.g.; br:35-01-05-457/1/10 od 10.12.2010.g. - mijenja se i glasi:

### **„Član 64.**

Plaća je jedno od osnovnih prava zaposlenika koje treba da obezbijedi njegovu socijalnu i materijalnu sigurnost.

Plaće zaposlenika u smislu ovog pravilnika su novčana primanja koja zaposlenik ostvari po osnovu radnog odnosa u zavisnosti od vrste i složenosti poslova na radnom mjestu izraženo po stepenima stručne spreme.

Najniža plaća zaposlenika za najmanju složenost poslova ne može biti manja od 70 % prosječne plaće isplaćene u Federaciji Bosne i Hercegovine prema posljednjem objavljenom statističkom podatku Federalnog zavoda za statistiku.

Osnovicu za isplatu plaće utvrđuje sporazumno Vlada Kntona Sarajevo i Sindikat , prije donošenja

Budžeta za narednu godinu, a primjenjuje se od 01.01. za svaku narednu godinu.“

Koeficijenti za obračun plaća utvrđeni su kako slijedi:

Redni broj	Koeficijent	Platni razred
1. Direktor	5,20	I
2. Šef / rukovodilac unutrašnje organizacione jedinice	4,50	II
3. Stručni savjetnik	4,10	III
4. Viši stručni saradnik	3,90	IV
5. Stručni saradnik	3,70	V
6. Viši samostalni referent (VŠS)	3,10	VI
7. Samostalni referent (VŠS)	3,00	VII
8. Vozač	2,70	VIII
9. Dežurni vozač	2,70	VIII

10. Blagajnik	2,70	VIII
11. Glavni medicinski tehničar	2,70	VIII
12. Medicinski tehničar	2,70	VIII
13. Stomatološki tehničar	2,70	VIII
14. Veterinarski tehničar	2,70	VIII
15. Sportski terapeut	2,70	VIII
16. Glavni kuhar	2,70	VIII
17. Ekonom-magacioner	2,70	VIII
18. Recepcionar	2,70	VIII
19. Vodič službenih pasa	2,70	VIII
20. Viši referent (SSS) IV stepen	2,70	VIII
21. Referent VKV radnik	2,70	IX
22. Mlađi referent (SSS) III stepen	2,60	X
23. Čuvar portir	2,60	X
24. Kotlovnica	2,60	X
25. Domar	2,60	X
26. Kuhar	2,60	X
27. Referent (KV radnik)	2,60	XI
28. Pomoćni radnik- (NK radnik )	1,85	XII
29. Vešerica	1,85	XII
30. Kafe kuharica - higijeničarka	1,85	XII

## Član 2.

Član 67. mijenja se i glasi :

„Član 67.

Neto plata se obračunava množenjem sporazumno dogovorene osnovice između Vlade Kantona Sarajevo i Sindikata i koeficijenta platnog razreda u koji je zaposlenik postavljen i tako utvrđen iznos uvećava se za 0,5% za svaku započetu godinu penzijskog staža, a najviše do 20%.“

## Član 3.

„Član 68. se briše.“

## Član 4.

Član 70. mijenja se i glasi:

„Član 70.

Državnom službeniku i namješteniku osnovna plaća uvećavat će se :

- za prekovremeni rad 50%,
- za rad u neradne dane 30%,
- za rad noću 35%,
- za rad u dane državnih praznika 50%.“

Naknade odnosno uvećanje plaće iz stava (1) ovog člana ostvaruje se donošenjem rješenja u kome će biti precizno naznačeni vrsta poslova, period obavljanja poslova i broj izvršilaca poslova.“

## Član 5.

**Član 72. mijenja se i glasi:**

**„Član 72 .**

Zaposlenik kome nije organiziran prijevoz na posao i sa posla , a čije je mjesto stanovanja udaljeno od mjesta rada, najmanje dva kilometra a najdalje u granicama Kanton Sarajevo, pripada mjesečna karta za prijevoz.

Pravo na mjesečnu kartu za prijevoz u međugradskom saobraćaju imaju oni Zaposlenici koji dolaze na posao iz mjesta prebivališta koje se nalazi van područja u kome je mjesto sjedišta Poslodavca.“

Pravo u slučaju iz stava 2. ovog člana ostvaruje se na osnovu pismenog zahtjeva Zaposlenika u kojem se navodi adresa stvarnog stanovanja, dokaz o prebivalištu (prijavnica CIPS-a).

Uz zahtjev se prilaže pismeni dokaz firme čiji se prijevoz koristi za dolazak na posao i povratak sa posla (dnevna ili mjesečna karta).

Ukoliko zaposlenik koristi više prijevoznih sredstava od mjesta stanovanja do mjesta rada , Poslodavac je dužan da mu obezbijedi mjesečnu kartu odgovarajućeg prijevoznika , koja je najpovoljnija za Zaposlenika.“

**Član 6.**

**Član 78. mijenja se i glasi:**

**„Član78**

U slučaju nastanka povrede na radu, teške invalidnosti ili teške bolesti Zaposlenika ili člana njegove uže porodice, isplaćuje mu se jednokratna novčana pomoć u skladu sa članom 32. Zakona o plaćama i naknadama u organima vlasti u Kantonu Sarajevo (Službene novine Kantona Sarajevo br.33/11 i 5/13).

Pod teškom bolešću iz stava 1. ovog člana, podrazumijevaju se slijedeće bolesti: akutna tuberkuloza , maligna oboljenja , endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenje mišićnog sistema , paraliza i druge teške bolesti određene opštim aktom Federalnog ministarstva zdravstva, kao i teške tjelesne povrede. Bolest odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU „Zavod za zdravstvenu zaštitu zaposlenika MUP-a Kantona Sarajevo.“

**Član 7.**

Ostale odredbe Pravilnika o radu JU Terapijske zajednice Kampus Kantona Sarajevo ostaju nepromijenjene i na snazi.

**Član 8.**

Ovaj pravilnik stupa na snagu danom dobijanja saglasnosti od strane Ministarstva za rad, socijalnu politiku, raseljena lica i izbjeglice Kantona Sarajevo, a primjenjivat će se od 01.08.2014.godine.

Broj: 35-01-02-560/14  
Sarajevo, 23.12.2014.god.



PREDSJEDNIK  
UPRAVNOG ODBORA

Muhammed Bekto

SAMOSTALNI SINDIKAT DRŽAVNIH SLUŽBENIKA  
I NAMJEŠTENIKA U ORGANIMA DRŽAVNE SLUŽBE,  
SUDSKOJ VLASTI I JAVNIM USTANOVAMA  
U FBiH  
SO JU Terapijska zajednica Kampus Kantona Sarajevo

Broj 05/14  
Sarajevo, 22.12.2014.g.

Sindikalni odbor Sindikalne organizacije JU Terapijska zajednica Kampus Kantona Sarajevo  
na svojoj sjednici održanoj dana 22.12.2014.godine donosi :

**Mišljenje Sindikalne organizacije u vezi Pravilnika o izmjeni Pravilnika o radu Javne  
ustanove Terapijske zajednice Kantona Sarajevo**

Na sastanku dana 22.12.2014. godine, Sindikalni odbor Sindikalne organizacije JU  
Terapijska zajednica Kampus Kantona Sarajevo, razmatrao je Pravilnik o izmjenama  
Pravilnika o radu Javne ustanove Terapijske zajednice Kantona Sarajevo i donio je Odluku  
kojom se daje saglasnost i izražava pozitivno mišljenje na prethodno navedene izmjene  
Pravilnika o radu.

Predsjednik SO JU Terapijska zajednica  
Kampus Kantona Sarajevo



Agim Mehinović